

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22 i 40/22 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 15. sjednici održanoj 24.07.2023. godine, donijela je

Autentično tumačenje člana 69. stav (8) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22 i 40/22)

„Član 69.

(8) Platu iz st. (1) i (2) ovog člana, odnosno iz tabela u ovom članu čini osnovna plata radnika (vrijednost koeficijenta složenosti poslova platnog razreda utvrđenog rješenjem o plati radnika umnožen s utvrđenom osnovicom za obračun plate iz člana 49. ovog Kolektivnog ugovora) uvećana u skladu sa članom 51. stav (1) ovog Kolektivnog ugovora.“

Dio citirane odredbe Kolektivnog ugovora „*platu iz st. (1) i (2) ovog člana, odnosno iz tabela u ovom članu*“ podrazumijeva iznos osnovne plaće radnog mjesta i platnog razreda na koje je radnik raspoređen bez obzira da li radnik radi u dvije ili više škola, odnosno pravo na naknadu radnik ostvaruje na osnovu njegove ukupne osnovne plaće. Kako bi se izbjegla diskriminacija shodno odredbama Zakona o radu Federacije BiH („Službene novine Federacije BiH“, broj: 26/16 i 89/18) škola u kojoj radnik ostvaruje pravo na novčane nagrade radniku treba isplatiti naknadu u odnosu na njegovu ukupnu osnovnu plaću koja mu se isplaćuje u dvije ili više škola.

Navedeno pravo na naknadu utvrđuje poslodavac, odnosno direktor škole u kojoj radnik ostvaruje pravo na novčane nagrade, u skladu sa Zakonom o upravnom postupku, na osnovu pojedinačnog pisanog zahtjeva radnika i naknadu isplaćuje u punom iznosu ukupne osnovne plaće radnika.

Odluka o autentičnom tumačenju člana 69. stav (8) Kolektivnog ugovora je donesena na 15. sjednici Komisije održanoj 24.07.2023. godine jednoglasno konsenzusom.

ČLANOVI KOMISIJE

Abid Fežić, predstavnik Poslodavca

Edina Pašić, predstavnik Poslodavca

Saudin Sivro, predstavnik Sindikata

Envera Šukman, predstavnik Sindikata
